



DEMOKRATSKA FRONTA

Klub zastupnika Demokratske fronte u Skupštini Kantona Sarajevo

Zastupnik: Senad Hasanović

Broj: /18

U Sarajevu, 19.12.2018. godine

**BOSNA I HERCEGOVINA
FEDERACIJA BOSNA I HERCEGOVINA
KANTON SARAJEVO
SKUPŠTINA KANTONA SARAJEVO
VLADA KANTONA SARAJEVO
MINISTARSTVO UNUTRAŠNJIH POSLOVA KS**

PREDMET: ZASTUPNIČKA INICIJATIVA

U ime Kluba zastupnika Demokratske fronte upućujem inicijativu prema Ministarstvu unutrašnjih poslova Kantona Sarajevo i Vladi Kantona Sarajevo da se hitno poveća broj policijskih službenika u PS Vogošća.

OBRAZLOŽENJE:

Općinsko vijeće Vogošća na svojim redovnim sjednicama 2017. i 2018. godine razmatralo je Informaciju o radu PU Vogošća/Ilijaš PS Vogošća, odnosno Informaciju o stanju kriminaliteta, javnog reda i mira i sigurnosti saobraćaja na području općine Vogošća za 2017. godinu, pri čemu su doneseni slijedeći zaključci:

Zaključak donesen na 3. redovnoj sjednici Općinskog vijeća 26.01.2017. godine:

- Općinsko vijeće Vogošća traži od Vlade Kantona Sarajevo, Premijera Vlade Kantona Sarajevo, Ministra Ministarstva unutrašnjih poslova Kantona Sarajevo i Komesara policije Kantona Sarajevo da se urgentno poveća broj policijskih službenika u PS Vogošća. Broj policijskih službenika nije u skladu niti sa stanjem kriminaliteta, niti sa brojem stanovnika općine Vogošća.

Zaključak donesen na 14. redovnoj sjednici Općinskog vijeća 31.01.2018. godine:

- Da se ispred Općinskog vijeća Vogošća od nadležnih policijskih organa HITNO traži da isti iznađu mogućnost povećanja broja policijskih službenika u PS Vogošća, imajući u vidu da je postojeći broj nezadovoljavajući i nedostatan i da se PS i OKP popune u skladu sa Pravilnikom o unutrašnjoj organizaciji Ministarstva unutrašnjih poslova Kantona Sarajevo.

Obzirom d. Općinsko vijeće Vogošća nije informisano da je došlo do ispunjenja navedenih zahtjeva, održana je i vanredna sjednica Općinskog vijeća 13.12.2018. god.

Na vanrednoj sjednici su ponovo doneseni zaključci u kojima se pored ostalog insistira na povećanju broja policijskih službenika u PS Vogošća.

Usvojeni zaključci su po treći put upućeni prema višim nivoima vlasti, te stoga pozivam Vladu Kantona Sarajevo i Ministarstvo unutrašnjih poslova da konačno shvate ozbiljno upućene zahtjeve i poduzmu mjere u cilju poboljšanja sigurnosne situacije u ovoj općini kako ne bi došli u situaciju da Skupština Kantona Sarajevo ponovo raspravlja o sigurnosnim prijetnjama i događajima sa tragičnim posljedicama.

11
11

Zastupnik u Skupštini Kantona Sarajevo
Senad Hasanović